

INUIT ATAQATIGIIT

Inatsisartuni



7. november 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Avannaani Tunumilu qimmit qimuttut napparsimatsaalineqarnissamut kapitinneqarsimasut nalunaarsorneqartut qassiuppat?
2. Avannaani Tunumilu qimmit qimuttut katillugit qassiunerat nalunaarsugaava?
3. Avannaani Tunumilu qimmit napparsimatsaalineqarnissamut kapitinneqarsimagaluartut napparsimalersulli naammattoorneqartarpat?
4. Apeqquq 3, aappiuppat: Tamanna sumik patsiseqarnersoq ilisimaneqarpa?
5. Ilisimaneqarpa amaqqut Nunatsinnut ikaartut nappaatinik nutaanik nassataqartarnersut?
6. Apeqquq 5, aappiuppat: Tamanna qanoq nakkutigineqarpa?

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Qimmit qimuttut pillugit sammiviit assigiinngitsut oqallinneq ingerlavoq. Tassunga ilaavoq qimmit peqqissusaannut tunngasut. Tamanna tunuliaqutaavoq apeqquteqaateqarninnut.

Kissaatigivara apeqquqtikka ullut suliffiusut qulit qaangiutinnginneranni akineqarnissaat.